本

經

疏

證

	葱	小麥	大豆苗	蜂蜡	馬通	. E	本經疏證第九卷
	l	;	í	,		錄	避避第
	薤	麴	赤小豆	 畫 	羊肉		九卷
3	蘇	大麥	酒	塵	露蜂房		
		豆豉		梅實	鼈甲		

		才經 政 讓 一卷九
		-+

馬通微溫主婦人崩中止渴及吐下血鼻衄金創血 不經疏證第九卷 散之以行脈絡矣然獨用其通何也蓋馬通之治治 其微溫仲景用於柏葉湯卯之夫血緣火迫而溢必 血之因寒而停遇隙以溢者何以知之則以別錄謂 氣最盛者能使血隨汗出卽劣亦能不使血停於中 史記大宛多善馬馬汗血其先天馬子也是知馬之 中品圏| 不用性溫者為治且不使與乾薑艾葉為伍矣馬 物非性寒即有毒均非能鍾生氣於人 味蟲魚五味果一 味穀八味茶三味 鄒澍學

出處勞寒冷補中盆氣安心止驚 **羊肉味甘大熱無毒主緩中字乳餘疾及頭腦大風汗** 本經疏證 流遂不足以上滋固無與於吐衄金創小小下血 其再停矣然謂其止渴何也夫惟止渴一 通則性溫而為養馬一 之骨肉藏府皆賴此以生長則人之身其因寒因傷 婦人崩中之下亦可知其崩中則 而血停因血停而吐衄崩漏者均能行以散之不容 **畜牟為證謂火畜性熱可以已虛寒文為血肉可** 論羊肉者多以金匱眞言論南方赤色入通於心其 卷九 身之餘縱使一 身津液隨血 切性寒有毒 語獨隸

得不謂之火畜然馬亦隸夏官同為火畜非無血內 陰居上陽牽於陰雖奮而不剛陰比於陽柔和而力 主雞司馬主馬及牟司寇主犬司空主豕而言誠不 故首主綾中緩者急之對急即仲景所謂寒疝脅痛 馴擾易制為發於火充於土其究為適口可悅之物 厚象牟之性抵很難移本紀很如年貪如狼羊之體 是叉當作何說矣易兌為羊兌之為卦二陽在下 又謂牟為土木之母乎呂覽孟春注不謂牟屬土平 西方之姓乎淮南子時則訓註不謂牟為土畜乎不 獨不可已虛寒而補形乎且賈子胎教篇不謂羊為 補形之不足若以周官六畜之分隸司徒主牛宗伯 W NS J

字乳餘疾字乳必傷血肉乃有餘疾藉血肉之充以 補之出年目無神反有遠視五行傳注年是其陽直 達於上 裏急產後腹中坪痛者藉其陽足 藉其陽能和陰不使陽加於陰也安心止驚則無全 陽不受陽之傷也西北彌寒生羊彌豐肥南方所生 氣之生長宜於寒也胎生之易者無逾於年故叉丰 則瘠而味劣故又能於虛勞寒冷中補中盆氣藉其 得所固有與人相從而無忤者亦取其意為虛弱之 之詩所謂矜矜兢兢不騫不崩馴擾之得宜眠食之 軀思患預防之治耳 了以與陰濟而能遠燭故又主頭腦大風汗出

牡 塔 塔 森 百穿一 管靑白其蒂以漆繫於木枝而倒懸焉大率皆木皮 **觏惟用木上者大則如盌小則如甌其形如蓮房十** 秋則蜂去至明歲蜂來則別營他枝不戀舊巢也 構旋生子於中夏則子成小蜂猶子母皆聚於是深 水土醞釀而成者也三月諸花盛開時蜂始營構旋 百攢簇界畫渾圓大小均稱其質似紙外包褐色中 露蜂房古人多謂須用如甕如桶者个肆中蓋不多 名蜂勦生牂牁山谷七月七日採陰乾惡乾聲

本經疏證 巢 變癎或搖頭弄舌或睡裏驚掣數獨齒是欲發癎其 者熱甚而手足 瘛瘲即掣縱也於兒病 掣收引也縱強放也瘛瘲 則瘛爲收引叉何疑焉以是知本經露蜂房所主 夫論貴忠篇哺乳太多則必掣縱而生癎由是而言 强直或頸項反折十歲已上為癲十歲已下為癎潛 挾伏熱或挾宿寒所致若不歇則變爲驚極重者亦 於外故令身體壯熱大致與溫熱相似而有小異或 已發者或口眼相引目睛上播或手足掣縱或背脊 氏云小兒壯熱者是小兒血氣盛五藏生熱熏發 卷九 **腎傳之心病筋脈相引而急名日** 掣一縱相連不已也素問玉機眞 瘛

陰耳鼻前後陰是也鼻生息肉後陰生痔核前陰 仲景用藥在處宗法本經又在處別出心裁擴充 蝕腐非柔中有剛陰中有陽而何故亦能去之 煎及煮鼈甲令泛爛如膠漆然後同諸藥熬令成 凡竅之能開能閪者屬陽口目是也不能開闔者 理精奥以啟悟後學如病於外根據於內者用鼈 水木之化乃鍾於柔中有剛陰中有陽之內是故 剛也陽也以肉 **猳堅積之在心腹者可除痞疾之外有寒熱者可去** 化剛為柔法欲使剛者不倚巖附險隨柔俱盡 裹甲此其 | 形為柔中有剛陰中有

故主以堅鞕之物煮合稀稠統率眾品幷歸於外之 瞿麥之通水四蟲桃仁紫葳牡丹之通血猶不過 湯大茈胡湯小茈胡湯大承氣湯之治其葶藶石韋 與羰俱痛惟驗其面發赤斑斑如錦文且 行逐隊去其閉塞未有能使內者仍外分者仍合者 與諸藥不分次第 為在陽面目青且身痛者為在陰並用五 時必至重內輕外有內無外也故於外仍不離桂 《熱寒熱溪亦差也熱毒壅結無論在陰在陽皆 随 剛通降也何則雖結為癥寢所苦仍在瘧之不 可知昔日之有外無內今日之重外輕 概同煎是以 剛摧柔法欲使

蠐螬吠椒微溫微寒有毒主惡血血瘀痹 不去及破骨踒折血結金瘡內塞產後中寒下乳汁 阻更增者並宜鼈甲主之推之後人所謂補陰補氣 熱自然透達也於此更可悟血以熱結不通熱以血 下堅滿痛月閉目中淫膚靑醫自膜療吐血在胷腹 除癖行瘀莫不由此矣 血熱而主降主開但得喉中之結解則上下通和耶 下而上 壅結不行升麻之通通其氣耳故必以水木幷化 治之者以 **·直通於目之鼈甲以並之且其味鹹性平淸** 名堲齊一 江病雖由於氣不得 名敦齊生河內平澤及人家積 氣破折血 源實由

草中取無時 為雷霆屋宇之下天之陽與地之陽旣艱於相接 外黃 剖背而出化為蟬綱目 知春夏者陽必暢而後甯苟有遏抑則激薄有聲 或問莊子戶內之煩孃雷霆處之當作何解夫亦當 於腳春末夏初輒縮短而殼硬漸成蟬形中夏已 加以糞埽之穢積而不除斯地之陽盆秘鬱難達 **蛴螬狀如蠶而大身短節促足長有毛生糞土 奮決砰訇激射而出耶夫是謂至陰之中必有至** 內黑生舊茅屋土者外白內點以背滚行乃駛狀如蠶而大身短節促足長有毛生糞土中者 此推之則理之所同然蓋有指不勝屈者 卷九 重要點門子

仍至清者也惡血瘀血破折所傷之血則清而未離 化蠐螬已前固最穢濁旣蛻為蟬以後始最淸潔當 本經云云猶在中不在上下在血不在氣何也夫未 露如是則蠐螬之用宜乎下除穢濁上透淸陽矣 乎濁矣況血生自中焦脅下者方離中焦猶未甚遠 有跡可尋已離乎濁未至乎清者舍血更何似矣 其為蠐螬則已雜乎濁未至乎清人身之有形可按 **氣抑遏清化化為蠐螬俄而為蟬嘹喨聲清吸風** 物亦所謂至穢之中必有至清者也夫糞壤 (故日主惡血血瘀痹氣破折在脅下堅滿 近途變濁焉則不以離濁向清者治 飲

良 腹五藏者及喉痹結塞生江夏川谷五月取腹有血 蜚寅大如蜜蜂腹凹稨微黄綠色善噉牛馬血 說見水蛭下 蠐螬後人循此而識之蠐螬可無誤用矣 用通瘀 月閉也 若微寒有毒症逐瘀血破下血積堅 脈及九竅女子月水不通積聚除賊血在曾 雖然以蠐螬泛治瘀血在中不在 | 劑故下著日 |性瘀血在中而痹氣致清氣不上 一卷九 ·味獨於兩目黯黑之 I中淫膚靑臀白膜句仲景所 乾血證用 一朝者去 下循非

本經疏避 氣營唐本 閉生矮大良常名地鼈 繆 人家牆壁下土中溼處十月暴乾售福炭的生態以良多名比鑑一名土鼈生河東川澤及沙 陽 瞂 走故今人用之治跌撲損傷續筋骨有奇效夫血 及右通連無直紋也生鼠壤及屋壁下溼處小有臭 **爡蟲似鼠婦而大形扁如鼈甲有斷紋似鱗但自** 氣寒以 仲醇云䗪蟲生下溼土 之用互乖寒熱洗洗生焉鹹寒能入血 概百骸周流經絡者也血若凝滯則 ~ 卷九 刀斷之中有白汁如漿湊接即連復能 壤中得幽暗之氣故其味 ||經絡||不 者

為其能化血導血助水蛭宜蟲以成功而不濟其 仲景治畜血用水蛭宜蟲治乾血則復加塵蟲蠐 除經脈調勻月事時至遂仓婦人有子也瀏潛江云 桃仁卻以䗪蟲代庢蟲水蛭其義亦可思矣愚謂矣 用䗪蟲蜣螂而置庢蟲水蛭則可知破血之功不在 **蟨蟲蠐螬矣產後瘀血腹痛仍用抵當湯內之大黃** 和乃桂枝所主所謂通中不通者也滿痛不在 致決裂為乾血因於虚勞故也試觀鼈甲煎八 瓜根散䗪蟲之用盆可知也夫經一 血積癥瘕血閉諸證血和則營衞通暢寒熱自 月再見而

中山谷五月採火乾 梅實味酸工無毒正下氣除熱煩 **泣澀之物產蟲則治絡中斷續之物矣陸農師謂** 絡中泣澀斷續其亦取象於此歟 知直行日經橫行日絡絡固經之橫者也䗪蟲之主 滑澤其塗徑 不利必其經脈仍通泣澀則在絡土 死肌去青黑藍蝕惡國止下利好唾口乾生漢 不舍儿 川廣蟲是連絡其斷續也且通而謂之 則因帶而經絡 安心上 | 瓜根本治 淝

令 乾 即 成 矣 參 齊 民 要 術 陸 黑誌者威可濡以潤之藉子母更相生 杏有長尖樹最耐久性潔喜曬燒以塘水則茂忌肥 **盧子繇日梅先春而花吸冰雪以自濡色青味酸** 氣令心不安與偏枯不仁致肢體痛及死肌惡肉青 經云味過及酸肝氣以津談說酢梅口中酸出吮 厥陰肝肝色青肝味酸也故主吮泄腎液以潤筋 水其實亦如否初生青至小滿前脆嫩過後則黃而 爛造烏梅法 梅之花苞於盛冬開於先春梅之實結於初春 力可徵矣是以對待水液焦涸致熱煩滿悶及 初成時摘取籠盛於突薰之 氏 膜

以長而成且至於熟安於是時者必見宜於是時是 動也梅之實當君火主合時安詳不擾而蘇其眞後 能御諸氣而使之降又不能使相火聽命而定而] 熱煩滿均毋敢作矣雖然上氣肺病也煩滿胃病也 以能致心之安心安則諸氣相火咸惟命是聽上氣 收為上氣為滿相火隨之以逆為煩皆緣心不靜不 者昌明之氣而屬少陰則主乎靜今夫因氣逆亂不 梅非治肺治胃者也是又何說焉夫肝屬木木得 吸則厥陰風木爲之體所以制則少陰君火爲之用 初夏故梅之用能吸寒水**以成制相火之功其所**; 何也風木者宣發之氣而其味酸則主乎收君火

ス糸正言 肢體不痛不偏枯不仁者是津氣凝滯不主滑澤膚 為逆逆及肺則為上氣逆於胃則為煩滿治之 枯外因也無間內外皆可治以梅耶然則梅能吸入 亦直探其源耳水衰不能養木內因也火逼而致津 潤遂暢茂條達一 讀謂梅能主肢體痛偏枯不仁之死肌也夫死肌有 不得用此耳其能治肢體痛何也是蓋宜連下二 滿則內外因 之氣以爲津不吸外來之寒溼故因津枯而爲煩爲 也則有肢體痛偏枯不仁者不可知為津氣枯膚 个得滑棒耶試觀古今方書有用梅治肢體痛 アオナ 一也亦又何別特腎陰虛不能上濟者 身之壅塞皆除其有不津則氣亂 ~以梅

口亚流音 本經菊花主皮膚死肌朮主風寒溼痹死肌細 其與在內之肢體痛偏枯不仁可强使之同耶即 死肌又何疑焉且證之以下丈青黑誌與死肌何 可以知梅之用矣 肌則津枯也夫液所謂穀入氣滿淖澤注於骨骨屬 出溱溱者梅之爲物能撮氣以爲津不能撮穀 一一伸洩澤補益腦髓皮膚潤澤者津所謂腠理發泄 液彰彰可見也則其治止能吸氣化津通在外之 | 痹痛死肌雄黃主惡瘡疽痔死肌枲耳主 拘攣痛惡肉死肌白蘚主溼痹死肌不可屈 方否此無他肢體痛偏枯不足 1 AL 是液枯 周

ス糸耳詞 主癰腫惡瘡死肌由是觀之死肌之為物因於瘡癰 獨取諸梅蓋以渴者言及梅而津溢化氣爲津無 有之則藜蘆之去死肌也夫癰腫疽瘡血滯也風寒 貓主惡瘡疽蝕死肌蜀椒主逐骨節皮膚死肌麋脂 **蕳茹主蝕惡肉敗瘡死肌地膽主鼠瘻惡瘡死肌斑** 主癰傷疥瘙死肌白芨主癰腫惡瘡敗疽傷陰死肌 溼痹氣閉也藜蘆之肵去痰停也則津枯與三者不 厚朴主氣血痹死肌礬 如四維之哈相配合耶然則化為津之物多矣乃何 十之六因於風寒溼痹十之四未有無因而致者 於此者且本有津而能致之者他物或猶能之 石主鼠瘻蝕瘡死肌青琅

撞心已該下氣而心中疼熱飢不欲食又該除熱煩 仲景用藥多緊帖本經獨於梅似若未盡其功能而 死肌之故因死肌可以見梅之用者也 **殘已極之候獨吐氣而揚其英焉是則因梅可以** 令專至一處而去些微之死肌不能也人濅黃芪非 取以治厥治蚘叉非本經所載殊不知只消渴氣上 以小知使之惟梅技有專長效有偏至恰於諸木彫 矣且麥門冬天門冬地黃非不生津然其功也溥欲 可又何能治偏枯不仁之死肌譬之堪大受者不 不能行氣致津然其力也緩欲其不助肢體痛而 於最濁最涸之餘欲思甘露之滋舍此誠無可他求

才紹邱話 其實仍是氣上撞心心中疼熱之現據其用梅仍 爲陽氣不伸吐蚘爲陽氣因不伸內燥津氣致蚘 復時煩須臾復止得食而嘔叉煩斯為合用是知厥 蒸之則黑能具五色之全而青時酸紅時甘酸黃時 肵 厥膚冷其人躁無暫安時卽非所宜若病者本靜乃 以用烏梅者豈不以能從肝而媾心腎乎夫黑 滿安心矣何則梅質生青半熟紅全熟黃醃之則 水生木也 甘多於酸白者鹹苦黑者苦酸五味又具其四其所 吸水以濟火非有他也 吸受而上 一人卷九 一酸緣蒸熟而變苦木生火也故凡脈微 出故日蚘聞食臭出厥非藏寒從醫宗

大豆黄卷味山亞無毒巴溼痹筋攣膝痛 氣結積益氣止毒去黑皯潤澤皮毛 景用梅有以誘之耳 特其變酸為鹹苦則致津之外自有軟堅去鞕之功 之一節則可岩謂治厥治蚘非本經之旨則誤矣擴 大豆黄卷以黑大豆於王癸日浸井華水中候生費 變酸為甘則致津之中更有調變陰陽之效循是以 思梅之功蓋猶未盡乎此而所以啓人元悟尙是仲 之旨黃梅漿之解暑渴仍是安心除煩滿下氣之旨 推頻及之若夫白梅之蝕惡肉仍是去死肌青黑誌 而充之後人以之治吐治利何莫非因仲景烏梅及 五藏不足胃

盧子由日大豆作黄卷比之種於土而生芽者異矣 達也閉於水中暢發生氣之物宜乎能治之矣乃不 **真通於肝肝藏筋膜之氣也夫筋聚於膝膝屬谿谷** 始生之日黃黃而卷曲直之木性備矣木之爲物藏 長五寸取出陰乾或取皮用別錄參 土以稻稟金水之氣而成菽飽火土之氣而熟性元 **故種稻者浸水中俟其有萌而後布種菽則直種於** 惟稻與栽並喜於水中放芽特稻喜水養菽宜乾燥 以稻葉而以菽葉者何夫溼痹而筋攣膝痛則爲下 之府故主溼痹筋攣膝痛者象形從治法也 不同培養自宜異耳經痹者生氣為溼所閉不能宣 卷九 本經疏證 不卷九 痹于此勢不能下又不能升與其逐而下之仍無出 攀又欲其溼升者舍大|豆黄卷無別物矣所以者何 溼流關節關節之大者無如膝而又最近於腹溼旣 拘攣不治筋攣牛膝洽筋攣能降而不能升旣治筋 以飽火土之氣者升而散發之溼不閉則筋自舒筋 部病矣溼閉於下者宜升稟金水之氣者則降故必 景薯蕷八治風氣,百疾取此與茈胡桂枝防風白斂 路莫若就近使上於腹或從小便或從汗出而解仲 既舒則膝自不痛比之稻糵善使痰溼食滯下行者 取大豆黄卷夫木瓜治轉筋非治筋孿薏苡治筋急 一相對照耳舒筋之物有木瓜薏苡牛膝何以茲獨

赤小豆味甘酸平無毒ETT水腫排癰腫膿血寒熱熱 中消渴止洩痢利小便吐逆卒游下腹脹滿 由其道而無煎灼之疴癰腫膿血火反灼水也水腫 故火貫水中則水用宜水藏火中則火體靖水用宣 赤小豆夏至後下種苗高尺許葉本大末尖圓哨而 為伍亦豈不以其能發耶 微白帶紅豆形緊小平頂以赤點色者入藥其稍大 小至秋開花淡銀褐色有腐氣結莢長二三寸皮色 則五液各歸其所而無水溢之患火體靖則諸氣各 而鮮紅淡紅色者並不治病綱 人身陽非陰不生陰非陽不化水火者陰陽之徵兆

本經航澄 心氣於腎所謂貫火氣於水中蓄水氣於火內乃 水也然凡物之於人能抑其盛者不必能起其衰能 穀氣者歸脾豆叉以象形為腎穀赤小而緊則叉 有餘從之故其湊於陰者即不足於陽也矧氣血 衰洵神已乎而不知有餘而往不足隨之不足而 **腫則火之不足赤小豆兩者兼治旣損其盛又補** 起其衰者不必能抑其盛癰腫膿血爲火之有餘水 要則在乎本歸牌能吸火精防水溢也吸火精火生 者火不行水也雖然癰腫膿血是血分病水腫是氣 知血與水同源而異派濬其源其流未有不順者矣 分病何以赤小豆均能冷之蓋氣血皆源於脾以是 不多允

熱乎亦良以凡豆均鍾生氣於晚春告成實於早秋 中不能化外之溼溼盛於外不得交在中之陽以相 之用赤小豆瓜蒂散豈不以火入陰中水無所藉以 機而滯於血則氣分之火自衰而為患於此卽不為 **以榖而化化榖同以火為用設使陰陽不平火隨化** 化乎赤小豆當歸散豈不以熱迫於血而陽分反無 行遂結於胷平麻黃連翹赤小豆湯豈不以火蒸於 則癰亦已以同為脾家化氣化血之火也試觀仲景 則腫已血分為癰膿便撮其中之熱轉隨陽分而洩 患於彼故氣分爲水腫亟提血分之火使轉而和陽 獨此則布種生苗於中夏成實必至秋盡是其色紅 アラン 本經統登 一个 宏九 **渴有虚實渴而小便多者虛渴也渴而小便不利者** 化津火適足以耗液相搏則寒熱了 水入之無節難量故滿則洩則溢矣此則以傷寒而 以轉就涼爽之區又何疑焉予以赤小豆治腫凡陽 則其偏能引火氣達于火退之處而拔火氣之正盛 論若雜病亦有水與熱相搏而不相入者則水不能 數或水入卽吐或自汗出為憑蓋腸胃之受盛有限 化水停生熱而渴者尤實中之實此其驗當以脈浮 實渴也兩者均於消渴病見之傷寒中仍有飮水不 體小稟氣於火者偏裵徟涼風淸露之中而成其質 水盆見其功因悟及此 **小相入則消渴或**

酒味苦甘辛大熱有毒主行藥勢殺百邪惡毒氣 若其已化則直以赤小豆通之可也 陽結於上 盛甕泥封愈陳久者愈佳 酒用稻米精鑿浸七日蒸成飯攤 發則其中如沸然後揭蓋以木耙攪之日二三次候 世之於酒不謂其引藥性上 **糟沉酒浮乃止滿百日逐無完飯壓去糟取酒煎** 小麥麴屑二斗水一 但察其水係未化者以五苓散治之使其上而後下 反逆於上 一為吐或入於幽隱成群皆可以利水已之 一陰澑於下爲洩利或不洩利爲腹脹滿或 一石酵一小杯踹和密蓋二日 一行即謂其引藥性 夕毎米一 石

大型流径 氣散結也以穀而竟消成汁始則變白為黃久則變 黃為赤其性復動盪不羈不可謂其不行血去嫉也 鼎之沸使其質如粥之糜以漸而消不可謂其不行 濡遲為迅烈觀其隆冬冱寒之際不假烹煉自然如 病特其機勢不張藉此以行之耶不日解散邪毒而 劫而行之耶夫稻米之性本熱且滯而鬱而激之 而其大旨所在則有不僅是焉請以 而不受殺惟沉痼及積冷非解散所能治者必以此 **引藥性助藥力而日行藥勢豈不以是藥本治是** .殺百那惡毒氣豈不以 日性熱而驅寒卽日性速能行氣然別錄主治不 4.邪與毒之躁烈者受解散

スポエ三 當歸散白朮散是藉以和血脈之壅矣凡以洗藥者 **塵蟲八土瓜根散是藉以逐隧道之濇當歸芍藥散** 滯九痛八赤八侯氏黑散是藉以通邪氣之結大黃 下散者六薯蕷八腎氣八天雄散是藉以行補藥之 寒之凝結而用之復有輕重之差矣凡以下八者五 補陰劑中以此通藥性之遲滯散寒劑中以此破伏 酒水各六升芎歸膠艾湯酒三升水五升卽此可 草湯用酒七升水八升當歸四逆加吳茱萸生薑湯 者復益之以駛欲其過而不畱去病而不傷正耳而 之傷寒論金匱要畧兩書凡水酒合煮之湯三炙甘 二則為抵當湯調胃承氣湯大承氣湯之大黃是駛 ノイナ

廖合諸藥成及下痰血湯之煮及而服一則用於最 用意微而情最曲屈者莫如鼈甲煎及之煎鼈甲為 外去癥瘕積血者欲其自上而下故其所取有在藥 內有在藥外之別也能深研乎此可以知行藥勢之 四物絞取其汁合地黃汁服之不取其助補劑之行 之中卽行血於騙風之內是欲其血和風自滅也其 去邪者復有防已地黃湯之防巳防風桂枝甘草漬 反取其增散藥之烈是欲其合散藥隨補藥以驅邪 **5不傷正也紅藍花酒之但漬一味寓廳風於行血** 則用於極後是則破癥堅邪氣者欲其自內而 をおれ

稉米味甘苦平無毐主益氣止煩止洩 時如麥喜乾惡溼種則穀雨浸種卽在水中迨三伏 許权重謂禾爲嘉穀二月生八月熟得時之中又謂 爲用在上焦之肺而治腎痹詳見薤白下 白酒酒之新篘者也其色白其味甘辛其氣輕揚故 酷暑天氣愈熱則禾愈茂引水愈多甚至每株每日 之之物豈得一途且種與麥性不同亦不但生熟之 何以能養人岩出於一也夫惟人原具中和之氣養 禾木也木王而生金王而死則禾之實正與麥相反 交立秋必放去其水暴令土燥作坼至

裏如一 所止矣蓋五臟六腑皆有氣肺心肝皆能爲煩脾腎 較之於麥蓋有偏全之不侔麥則外寒內溫種則表 不言何臟之氣及何處所發之煩之洩愈以見其用 劑中如桃花湯附子種米湯用於補劑中如麥門? 劑中如竹葉石膏湯白虎湯白虎加人濅湯用於溫 有宜協於補者有宜協於洩者惟種則仲景用於寒 之普也抑藥物之性有宜協於寒者有宜協於溫者 麥畧同而麥之餐肝氣止煩渴消穀止利未免各有 備得木土之生成水火之烹鍊以就於金而成化育 能為洩益則諸氣皆益止則諸煩諸洩皆止惟其 更有純駁之殊故其功效益氣止煩止洩與

羸少氣是取其盆氣桃花湯證日下利便膿血是取 白虎加人蔆湯麥門冬湯附子種米湯則米藥俱下 **或問仲景用稉米者六方煮法几分三等於白虎湯** 其止洩白虎湯證白虎加人養湯證皆有煩渴麥明 據別錄稱種米益氣止煩止洩竹葉石膏湯證日虛 米熟湯成於桃花湯則先煮米汁後入他藥於竹葉 用尋常不可缺取材尤富矣 冬湯之火逆上氣咽喉不利附子梗米證之胷脅逆 石膏湯則先煮藥物後方入米其中亦具意義乎口 科是以不同甘草之滯中不同甘草之壅氣得爲日 湯獨於洩劑中不用爲與甘草殊科惟其與甘草殊

三とれた主 於上故麥門冬湯用稉米三合白虎湯白虎加人 能矣然其所以先煎後入而取其止洩益氣則又必 湯六合附子梗米湯半升未有如桃花湯數者 制以緩補下治下制以急急則氣味厚緩則氣味薄 象大論日陽氣出上竅陰味出下竅夫虛羸少氣固 氣全先煎則煮時多煮時多則氣散而味全陰陽應 有故蓋後入則所煮之時少煮時少則得味宴而 一竅病 用半升非此之謂乎若夫煩雖中央之病然終近 適其所至是故桃花湯用硬米一 嘔吐不可謂無煩是三等煮法適合別錄三 下利則下竅病也至眞要大論日補上治 1 M. -升竹葉石膏湯

小麥味甘微寒無毒主除客熱止煩渴咽燥利小便餐 清熱止煩 八麥味鹹微寒無毒主消渴除熱盆氣調中 **川氣止漏血唾血以作麴溫消穀止利以作麪溫不能** 造麥麴法用小麥連皮井水淘淨曬乾六月六日磨 與藥同人不分前後則又欲其同寅協恭各擅其事 李瀕湖云素問麥屬火心穀也鄭康成云麥有字甲 碎以淘麥水和作塊楮葉包紮懸風處七十日可 無相奪倫斯誠理紛治劇之規模矣 屬木許叔重云麥屬金金王而生火王而死三說名 綱

本經疏證 一个卷九 於心矣是何也蓋古人種麥之候早則白露晚則秋 病當以素問為準蓋許以時鄭以形素問以功故立 麥削麥之後滿田皆土不覩麥芽斯時方行根人 分齊民个東南晚寒概以霜降偏種的為金氣正王 根無害也繞過立春即勾撥田塍之土蓋之謂之削 論不同愚謂此非確論也夫感金氣而生其性不能 異別錄麥餐肝氣與鄭說合孫眞人云麥餐心氣與 之時旣已下種放芽田中猶無妨騰踏雖至折萌露 火氣通明逐爾成熟則其功能自然同氣相求歸之 不清涼收肅得木氣而長其用不能不條達舒和及 素問合夷玖其功除煩止渴收汗利溲止血皆治心

然屆立夏尚不過尺許旣過立夏遂勃然挺發不及 其基乃固及至清明麥苗尙僅寸餘自是日漸繁茂 且為金為木亦不必禮疏說文也如金匱眞言論東 夫歲穀者得其歲氣之當而生如升明之紀之於麥 其穀麻麥赫曦之紀其穀麥是亦正以平氣從其當 之屬金惟五常政大論升明之紀其穀麥從革之紀 方青色入通於肝其穀為麥猶不可謂之屬木藏氣 者金性之驗挺發者木用之兆速成者火體之符也 偏氣藉其助即六元正紀大論所謂歲穀閒穀者也 法時論肺色白宜食苦麥羊肉杏薤皆苦猶不可謂 月已苗而秀秀而實實且綻滿堅結矣故夫遲重

ス正記を 據矣若更欲他拔以證屬金屬木則又不僅禮疏說 載小麥主治客熱煩渴咽燥小便不利可謂其非肺 或賴以保其精或賴以避虚邪是乃屬火入心之的 之氣宜能輔本歲之偏勝故食之者或賴以去其邪 觸凍而不息精舍刺直故麥含芒事且立也卽說文 生夏死注麥金也春秋說題辭麥之為言殖也寢牛 文淮南時則訓食麥與羊注麥金穀也地形訓麥秋 亦不止麥金也金王而生火王而死一義如來一來 是矣故食之者以全其眞安其氣而閒穀則爲他歲 病漏血唾血可謂其非心病養肝氣可謂其不 4 |縫象芒束之形又不可附會其為木乎攷別錄所 W riter 1

才経可言 後速先遲所能該蓋猶之於人五官百骸外廓也智 朴麻黃湯婦人臟燥悲傷欲哭數欠伸用甘麥大棗 者以小麥汁服是入心而其用在肝欬而脈浮用 湯是入肺而其用在心以麥粥下松實芍藥散主癰 巧勇力內藏也人之生也五官百骸具於前智巧勇 膿是入肝而其用在心若必欲求其所以入肺入心 能食飲者加細辛半夏若嘔者以醋漿水服復不解 入肝之故則旣非影響揣度所能得幷不僅其生長 力成於後具於前者承父母之體氣成於後者效師 及之作為天之四時五行萬物所由稟受以生效法 仲景諸用小麥方用白朮散養胎若心煩吐痛 着力 死人化多 故後世有麩涼麨平麵溫之別主治各殊即別錄 肆是其體入金用在心肝矣及其勃然挺發暢茂條 或問麴別錄祗言其消穀耳至後世乃以之消障翳 煩皆可深思熟計者也 **渾能和木堅綻能益金是其體歸心用仍在肺肝 成實圓渾堅綻以底於成謂之入心可已而不知** 條達則憤鬱解是其體入肝用在心肺矣乃至倏爾 達以逐其長謂之入肝可已而不知暢茂則火用 謂之入肺可已而不知淸涼則火不燔收肅則木不 謂作麴則性溫消穀止利作麪則更溫不能清熱 以成者也夫小麥旣稟淸涼收肅之氣以具其外廓 能不化自化是故別錄著其功日消穀止 者助入已化之元氣發入已 **黃是也通則無所不通通草是也何獨於麴疑之** 物之專精者誠非一 **稪沓之中更用消散後人之智豈作俑於此乎日藥** 非如後世既欲其食又畏其訚者也乃薯蕷八補劑 消瘀血消胎氣消癥結者何且仲景處方專精畫 類不能發人鬱遏何則以彼蒸熟此生盦也故蒸熟 性使異於飽飪之類不能生人元氣又異於豉醬 麴之為物原係日用尋常培人生氣之麥乃抝折其 胡是也散則無所不散窳黃是也下則無所不下 端可盡譬如解則無所不解柴 」化之營過生盦者

黃 黃之峻攻為調胃承氣而用益氣之甘草以諸蟲 發生生之機為轉旋陰陽之本且其方原為虛勞 仲景處方補中有消正其精義入神之處如其以硝 皆生氣之不化而爲患者與胎氣正 からして 製不消而利為準則麴之性之用可得而窺矣若 障翳凡瘀血凡癥結之日引月長年固堅凝者總 焉有不愈者哉取此類推則障翳也瘀血也癥結 仁乾漆大黃之通瘀為大黃䗪蟲而獨重益血之 聚之藥佐助其間則臟腑塡實 假使薯蕷及補氣補血之 / AU. _ Y ||其病欲不化自行耳得不化自化之 物無所 (氣 血 同有以別於 二不行 備倘 ... 無散 桃

本館哨器 不足風氣百疾設耶方中薯蕷三十分為君藥無論 芎歸地芍麥冬阿膠之補陰僅四十五分而桂枝防 已其薓苓朮草乾薑大棗之補氣不啻倍於君藥其 杏仁桔梗以開肺而出治節更用十分之麴以及簲 扶正之物過多未免嫌其不能靈活故用十一 所在為使血藥佐風藥以去邪氣藥輔君藥以扶正 之可比哉 風黃卷柴胡白斂之驅風至三十三分可見其意之 者半月而性情遂種種不同大麥芒甲連心帖肉與 至於大麥播種之時與小麥同及其收穫早於小麥 **納糧儲豈如後人補則連篇塡塞運則累牘峻削** 一卷九 一分ク

本經疏證 盛蓋不至火王已自成熟其為性寒氣降助木疏 非特必取金水之清寒滋潤且當以助火蒸化津液 和之中具發越之義不比不兼熱者一 消渴不無熱之消渴無熱者火雖鬱遏而其機外向 無異議矣故其功效曰主消渴除熱夫惟有棄熱 稟金水之氣以生正同迨接木令則勃然長茂爲光 肥腻異三 赤異二也大麥理疏質擴屑粉繾脆與小麥之肌粉 故藥用得金水之化者仍不妨雜以木土之用使清 之品為佐 ~ 卷九 一也大麥味鹹與小麥之味甘異四也是其 使陰從陽化矣又日 即離異 也大麥色青黃與小麥之 **| 盆氣調中夫惟調** 於陰竭陽亢

德究屬穀氣終足以生中氣和脾胃明此所益之氣 者未必能益氣益氣者多足以滯中茲則具疏暢之 爲中氣與小麥之餐肝氣有別仲景以大麥粥下 女勞成疸宜補乃偏不用補以大麥粥下硝礬散豈 以大麥粥止渴豈以大麥粥之寒能敵蜀椒之溫 或問胎前宜涼服白朮散至渴尙不轉用涼劑乃僅 於治肝腎劑中偏萬和胃之義也 **术散治妊娠之渴叉以之下硝礬散治女勞成疸竝** 凉乎女勞宜補爲恣縱傷陰者言耳曾謂恣縱之 火下迫胎者言耳曾謂胎火上浮上熱下寒者亦可 (大麥之益氣能勝硝礬之碳洩耶日胎前宜涼為 耶

人巫充登 泄未聞敗精瘀血凝塞隧道亦可補也故徐忠可 脱而寒不傷脾礬能卻水所到之處邪不復侵如 別則亦當以寒不傷胃補不滯中之大麥爲粥飮散 禦下侵之溼 既礬即不受水滲是二方者一以化上逆之陽 論白朮散日取椒性純陽以陰爲歸者使攝上焦氣 不能養陰故以牡蠣氣化純雄性偏陰之物使散 不宜太厚然又不可竟使凍也房室已後勿刺 溼熱乘虛襲入猶 一熱下達亦除腹中偶威之寒而使平然猶 和陰其論硝礬散日硝能散虛鬱之熱體 NA L 片神機非寒熱之可論無補瀉之 可治以補乎譬之初生之見縣 Ē

滿悶虛勞喘吸兩腳疼冷殺六畜朎子諸毐 淡豆豉味苦寒無毒主傷寒頭痛寒熱瘴氣惡毒煩躁 人名山山 熟 造 蜀椒之熱在硝礬散中能勝硝礬之洩無不可已 間為準置 **曬七日取出曝** 而使之入胃以分布焉彼散者僅服方寸七而粥 亦飲一 /攤去火氣甕收築封即成矣稱 |淡豉法以黑大||豆六月内淘淨水浸| 取出攤席上候微溫蒿覆每三日一 不可太過取曬簸淨以水拌乾溼得所以汁出 升是其粥多散少雖謂在白朮散中能敵) 甕中築實桑葉蓋厚三寸密封泥於日 5 時又以水拌入甕如此七次再蒸 綱 看候黃衣 宿瀝乾蒸 極

本經疏證 一卷九 色黑性沈醫熟而成輕浮主敗陰藏之精上資是矣 變輕而上 故其治煩躁滿悶也非特由於傷寒頭痛寒熱者可 重而下行善發極下之閉鬱蒸之火而使爲豆豉則 雞腫是也能使水得防而易行則別錄以之逐水氣 用即由於瘴氣惡毒者亦可用也蓋煩者陽盛躁者 是也其性本重入水郎沈浸之水而使為黃卷則盆 水則不黏易潰能使土逐黏而不潰則本經以之途 結積內寒盡之矣然水不得土則漫溢不行土不得 氣於陰觀別錄以之除胃中熱痹傷中淋露散五戲 豆為物皮黑肉黃故其用能致陰氣於土而貫 一行善發上焦之韞結張隱庵日豆爲腎穀

陰逆陽盛而不得下交陰逆而不能上濟是以神 此一豆豉之東土德宣水化一「輕揚導達之功爲不淺 雕 以他藥止以豆豉梔子成湯以梔子能泄熱下行即 以熱盛不受陰之滋下因陰逆不受陽之降治之不 倒心中懊憹惟其反覆顛倒心中懊憹正可以見上 安於內形不安於外最是仲景形容之妙曰反覆顛 則神藏躁則消亡故陽與陰和則相合相媾而不相 在也虛勞喘於吸不喘於呼此陰之拒陽兩腳俱 可知豆豉能散陰上逆矣生氣通天論曰陽氣者辭 而冷此陰不含陽散其陰之鬱遏使陽得達乎其中 不和則相擊相拒而不相入陰之所在卽陽之所

一三三九多 滿悶而不煩躁此後有煩滿 證有內實證則煩而不躁下後有結曾證有痞證 汗吐下後兼煩躁棄滿悶者不少矣於何定其為梔 於此猶不可定豆豉爲開發上焦鬱抑宣導陰濁逗 滿悶則非虛惟其虛實之間斯為發越洩降所宜用 **豉湯證夫汗後有亡陽證則煩躁而不滿悶有內** .仲景用.豆豉多於汗吐下後何也日豆豉之功在 煩躁滿悶煩躁滿悶非汗吐下後不多見也雖然 固言之矣日凡初覺頭痛身熱脈洪一二 然則萬稚川取葱豉湯治傷寒初起非歟夫稚 W. M. 1 而無躁蓋煩躁則非實 日便以

證亦未見必有滿悶也此則論中所載多矣曰胷 此所以宜於汗吐下後表邪已減之時衡則能達外 惹豉湯治之則其為熱邪非寒亦在陽明不在太陽 **窒日心中結痛非滿悶之謂耶特按之心下濡句切** 內之情此所以宜於病初起卒難辨識之際是在先 明脈大者詎非若合符節且梔子與葱白一 數脈緊此則言脈洪證之以仲景所謂傷寒三日陽 明甚何則寒邪應惡風惡寒此但言身熱寒邪當脈 在後關梔子葱白不關豆豉叉可明矣日梔子煎湯 係通陽洩熱者縱通陽者衡縱則能通上下之道 係洩熱

延売登 殿是陰陽相搏陰經之煩躁是陰陽相逐相搏者其 **陰經之煩躁卽沉重之薑附輔其陽弱不足也雖** 也是故陽經之煩躁雖輕揚之豆豉散其陰逆有 力足相敵而兩不相下相逐則陽旣敗北陰復追之 而無滿悶知其非陽經證不得治以豆豉矣然陽經 煩躁者有脈微手足厥冷煩躁者皆以有脈微四逆 煩躁欲死者厥陰有熱少厥微指頭寒默默不欲食 煩四逆者有自利躁煩不得臥者有吐利手足逆冷 若論煩躁則在陰者多在陽者少如少陰有吐利躁 **夫煩未有非腸盛者躁無有非陰逆者特陽經之煩** 例與陰經之煩躁其因究有別也應如何而審之 人多儿

ア糸山道 常政大論文也注家謂熱湯浸漬則寒涼之物能治 松實梔子豉湯先空煮清漿水更入枳實梔子再 寒涼試檢傷寒論諸用豆豉揚皆不以生水煮甚者 豆豉味苦氣寒本屬陰以之治陰逆則寒因熱用熱 **政僅須五六沸即已成湯如金匱要畧梔子大黃** 手足寒脈弦遲在厥陰日手足厥冷脈緊更明明為 如嚴耶又如瓜蒂散證在太陽日胷有寒在少陰 因 寒非如諸梔子豉湯證之並未言寒也而瓜蒂苦寒 治陽而非治陰遂入藥不分先後是其秉經訓何 寒用非歟夫氣寒氣凉洽以寒涼行水漬之此五

敗之氣此瓜蒂與梔子之力夫故日胷中實日虛煩 之使不經無病之所虛者隨即抑而下之使不傷未 於此見陰翳之所在卽陽氣之所阻驅散其陰翳陽 外感自表及裏寒熱虛實無乎不包素問皮部論 陽相搏而結於胷中斷可識矣 服正與以寒治寒之旨相符其證為郊與痰飮因陰 皮有分部脈有經紀其生病各異別其部分左 分地面所該者廣雖以脈為經紀凡風寒溼熱內傷 而用豆豉可並行不背也說者謂仲景之六經是區 **飛自伸此|豆豉之功陽氣旣伸其實者隨卽引而越** 下陰陽所在諸經始終此其立說之源也

瀉 心湯方用豆豉梔子小麥石膏地骨皮茯苓淡 精神不守瀉熱梔子煎方用豆豉梔子甘竹筎大青 草童子小便張文仲寮虛損慘顇不食四體勞强時 微赤不能 桶皮赤蜜干金燎心實熱或欲吐不出悶喘急頭 小便仍不離陽明惹豉法外臺 **翕翕熱無氣力作骨蒸方用豆豉梔子杏仁童子小** 觀於廣濟療骨蒸肺氣每至日晚卽惡寒壯熱顏 便服後四體盆熱卽服豆豉葱白生薑生地黃童子 之以理中茯苓湯治脈實熱極血氣傷心使心好生 下 太陽陽明梔豉法信然以是類推則刪繁 食 日漸羸瘦方用豆豉葱白生地黄甘 一刪繁寮膽腑實熱 色

勞七傷去胃中宿食利耳目鼻衄吐血內溼風疰補 堅筋骨强陰利大小腸填骨髓長肌肉破除結氣五 者並用豆豉甚者千金以豆豉地黄二味擣散酒服 喘吸兩腳疼冷之旨矣蓋上者陽之所治下 悶虛勞喘吸逐熱破血及腳氣腫痹亦悟別錄虛勞 中逐水破積瘀膿惡血石淋長髮傷寒瘴氣煩躁滿 湯治勞熱四肢腫急少腹滿痛顏色黑黃關格不通 **飯釀成酒治五內邪氣消渴風溼下曾脅間氣頭痛** 湯淋秋麻子粉煮汁取半浸麴取半浸米和地黃蒸 治虚勞爷骨節痛無力崔氏枸杞酒取豆豉以枸杞 **赫怒口為變赤言語**不 血氣調脈以鼈

湯主傷寒寒熱中風面目浮腫能出汗傷寒骨肉碎痛 藜濫毒 本統政語 一大卷九 **喉痹不通安胎歸目除肝中邪氣安中利五臟益目睛** 葱實味辛溫無莠主明目補中不足其 莖葱白平可作 色青其實又含孕兩者而白黑若求象形於人身捨 **葱之為物其下層層緊裹而色白其上空中銳末而 翳變沉伏為輕揚其實** 勝陽伏為疼爷豉之為用在上則取蒸盦已後之 所治陰翳於上則陽與陰搏為煩躁陰翳於下則陰 揚在下則取其本體之色黑性沉能於極下拔出陰 **葱根主傷寒頭痛** 理也 葱汁辛温主溺血

勝也中風面目腫喉痹不通是陽氣為風寒所束縛 者也汁搗全葱而絞出者也莖性平汁性溫則陶隱 欲透達而不能也葱莖中飽具、從陰達陽之葉直 寒寒熱骨肉痛是陽氣外出與所中之風寒爭而不 索蓋內苞者為陽腦於陰旣已透達則純乎陽矣傷 為葉則溫未出內含則平此其間自有精義可容思 者何居夫其層層緊裹之中莫不莖葉悉具特旣出 外包緊束是其發表也能使陽仍不 根柢其數難稽躍雖欲透而仍未透乃復中含稠涎 居白冷青熱之說不虛矣然其一 老九 5哉則能補目中不足無 10 矣 並 18 之去 葉 主發表一主

設使卵火內停正當中焦受氣變赤之處則迫氣化 溺葱汁正上下流通出陰貫陽之液其辛溫之性味 乃或上而不下則為吐為衄下而不上 物之發散異矣血亦氣之汁從氣而化隨氣而行內 家畱邬其用在憨之氣不使動閔其靜而胎氣不 肝者陰中之陽胎者靜中之動不使陽羈於陰而 血迫垏化血就近則湧陽明為衄就便則澑太陽為 不特别錄著其止獨血後世且復闡其止衄血矣 以驅散內停之那火使化者循常行者復故是 上頂下踵 **周流灌溉無有已** 一時此其常性 一則為溺為利 痟 也

不經統證 身不惡寒數事可以知陽之未盡然亦已離根而 身反不惡寒面赤色一 葱至難死任憑 矣蓋病至下利周穀裏寒外熱手足厥逆脈微欲 於外矣下利厥逆無脈乾嘔而煩陽之尚不凘 之囘於黍谷則仲景通脈四逆揚白通揚用葱之義 皆陰氣也於死陰中得 《難死之葱莖培種微陽即以剔去陽中依附揣 綫之煩而陰寒下盛逼陽上越已經昭著乃均 す根著土 下松儿 藏弆但置陰處未會浥爛臨風日不 即便森然夫生氣皆陽氣也死氣 段陰寒景象僅僅外熱面赤 後生陽即可栽培扶植使

湯證若下利者去芍藥加乾薑其他則僅有桃花湯 當行大黃芍藥者宜滅之以胃氣弱易動故故眞武 湯證腹痛者去葱加芍藥此則猶有說焉夫監經 證腹痛而又下利於此可見純陰下利之候本無腹 合理於仲景微意不旣確切而熨帖耶特通 葱之異致芍藥與葱之性即可於此識之 而布於其間較之隨地培陽者為稻易也此芍藥與 然則陰陽遂離散矣結則尚可破散其陰冀陽得 痛也蓋陰之逼陽有散有結論其證則渙散者盛結 聚者微故其治法散者直隨陽之所在而使生根不 無用芍藥者何則太陰病脈弱其人續自便利設 派四

其人常欲蹈其胷上先未苦時但欲飲熱在婦人 作俑矣旋覆花湯之證在五臟風寒積聚篇日肝 白通加豬膽汁湯旋覆花湯皆但日葱至言其數 病篇日寸口脈革婦人牛產漏下夫革者外兼有餘 則以別著根而其名為白則必不無用其靑也乃 **攷本經別錄四目則葱白者下不連根上須去管** 別錄即緊注之日葱白則五方所用均葱白也更夷 各有偏勝而不得相溷仲景用葱凡五處在白通湯 本經別錄所載惹之 之用旋覆花湯者動日葱管積習相沿蓋不知何 日幾莖亦可知即本經之葱莖矣而本經其莖已 !目有實有莖有根有汁是其用 何 則

骨除寒熱去水氣溫中散結氣作羹食利病人諸瘡 雄味的苦溫滑無毒主金瘡瘡敗輕身不飢耐老歸 本經疏證 用青者其意究何居耶 緋帛之新者和其血絡而誰恃哉故葱之為 花去其在外堅韌之陰葱白通其在內敝疲之陽 他 内純不足也常欲蹈 而大之革亦爲外陰逼迫內陽虛憊此猶不以旋覆 先未苦時句則今欲蹈時已不欲熱飲則肝之著 漫而日 錄除肝中那氣 乃外寒內熱陰蓄陽陽不得達耳再證之以脈弦 欲飲且所欲飲者不喜寒而喜熱更中 老九 語無他甚奧微義則不用白 可見肝之著而氣不得條達 用仍是

風 寒 體滑氣薰凡辛溫者類躁烈而不能滑澤惟此 瘡瘡 敗則先瘡而 更敗是分疏 本經之義 則內不滿也緣行義 因 或謂金瘡瘡敗有一 經疏證 -- 《卷九 細葱而有稜至滑澤露不能貯一 薤 根如小蒜 向究未能鑿然指所以 根大葉狀 風寒而潰敗是附別錄義於本經愚意兩說皆 腫擣塗之 似韭韭葉中實而扁有劍脊薤葉中空似 本數顆相依而生五月葉靑則掘之 正月分蒔最宜肥壤數枝一 生魯山平澤 義 用薤之故也夫薤味辛性 者金瘡 月開細花紫白色 則肌肉旣敗而成 本則茂而 者金瘡

莫不可治以是物藉其溫中有行蓋血畱而氣不能 中散結四字實用薤之主腦矣以此義傅之金瘡瘡 敗遂可見金瘡不敗則非薤之所主其所以敗非更 際庸得以味辛性溫者治之耶故別錄復申其義 血方出驟止爲異耳血畱氣阻必生鬱熱風寒又 行無金瘡他瘡之殊也特他瘡則血因滯阻金瘡 至露且難畱故取其辛溫以開之滑澤以行之 斯寒熱相搏而潰敗試思血氣畱阻鬱熱昌熾之 風寒而何別錄更廣其旨即他擔之敗由風寒者)明其可敷而不可服猶嫌辛溫足 与助火 溫 則

► 1~13 1.L W.L 為物滑澤極矣又復有辛溫之性可驅內著之風寒 息欬唾胷背痛短氣寸口脈沉而遲關上 白白酒湯傷寒論之四逆散而究其歸耳夫胷痹喘 入猶不可悟除寒熱去水氣之旨耶然則日歸於骨 是其能歸於骨豈賸語哉 者其義何居夫骨以液之滑澤利其屈仰之用薤之 見其寒在上熱在中而不能相入少陰病四逆洩 何者為用薤之準耶是則宜以金匱要畧之栝樓薤 下重可見其寒在中熱在下而不能相交辛溫散寒 中復有滑澤焉足以使兩不相下之氣相交而相 (/ man + (相搏而成寒熱水腫者多矣當 一小緊數可

本維斯龍 薤之為物胎息於金發生於木長成於火是以其功 踞肺而招徠壅滯之陽尤妙在白酒之為物方從穀 則下之氣不能時上而短更驗之以寸口沉遲關 為前背為後中氣痹則前後皆痛上之氣不能常下 壅痹則虛而不充其息遂不勻喘唾乃隨欬而生曾 故清肅時行呼吸往還不愆常度津液上下潤餐無 而何善夫徐忠可之言日人之胷中如天陽氣用事 欬唾胷背痛短氣非肺病而何洩利下重非大腸病 用能於金中宣發木火之氣金者肺與大腸也喘息 而不宣用栝樓以踞脾而流動凝結之陰用薤白以 小緊數之脈逐鑿然為陽壅於脾而不布陰凝於肺 , 一、 卷九

又亚克圣 寒中焦之寒徒洩而不能濟下焦之熱此其間必有 陽氣於四末耶是故四逆洩利為少陰病而下重 旣 結滯在腸胃中隔蔽陰陽使不能通也雖然四逆 當究其下焦有熱下焦之熱隨洩而不能和中焦之 去者為病矣別四逆本係脾胃中陰寒凝結不能 以肺原嬌藏受柔不受剛故耳洩利矣則不應! 中柴胡疏腸胃中結滯芍藥開陰結布陽氣重 之品使於脾肺之間疏通濬瀹令陰陽巽而相入蓋 **澳利而仍下重是去者自去畱者自畱不得但** 和枳實之破不患其結滯了 W/145 液味甘辛而色白為自脾入 小去中下 不交矣マ 、肺動盪不 羈

蘇味辛溫主下氣除寒中其子尤良 必重用薤白何歟蓋方其兩相拒未必卽能兩相洽 蘇以二三月下種或宿子在地自生其莖方其葉圓 陽亦伸而與陰浹矣世之論胷痹之用薤白日 中得以納陰陰旣入陽叉去其風寒附會為戾者則 也順其滑洩之性而其中仍寓辛溫開解於是陽之 通陽洩利下重之用薤白日滑可去著而不知其間 穗作房結子細如芥子色黃赤葉以五六月採莖子 而有尖旁有鋸齒面背皆紫者佳八月開細紫花成 條理委曲周密有如此者 えたナ

丁匠北京 盧子繇日詳紫蘇之色香氣味體性生成致新推 脈故易思蘭用其莖通十二 於陰是以其葉能發汗者血液之汗也枝莖能通血 張隱庵日庭前植紫蘇見其葉朝挺暮垂因悟草木 之 葉空通其氣朝出幕入有如經脈之晝行於陽夜行 之宣攝葉則偏於宣散莖則偏於宣通子則無而有 之宣劑輕劑也故氣下者可使之宣發氣上者可使 之性感天地陰陽之氣而為開闔者也蘇色紫赤枝 通大小便止下利赤白子亦常用其細莖不切斷治 反胃膈食吐血下血多奏奇功蓋食氣入胃散精 1/ N. . 1 一經之關竅治貿膈飽 問

所產其朝挺暮垂誠然但緣日暴所致非有他故設 陽絡傷則吐血陰絡傷則下血通其脈絡使血有所 於五六月當未吐花時夫以大火之令而采味辛 辛勝甘劣以二三 獨紫蘇也其色紫中空能入血脈則韙矣然劉潛江 其日天陰則不暮垂矣且凡藿香薄荷豨簽皆然不 歸吐下自止是言最有體物之致但毘陵爲紫蘇之 肝濁氣歸心肝藏血心主脈血 物豈不以全火之用金乎金爲火用則氣化以火原 之言其入氣分猶有進於是者紫蘇莖葉味辛有甘 水中而金固為水母陽不得陰不能化 一月下種八九月收成而采其葉 |脈疏通則食飲自化 خ 則

本經疏證 一个卷九 外而六淫可藉宣而驅內而七情亦可藉宜而開謂 以治婦人咽中如有炙臠確取其能宣氣也 為火用則宣中有攝究之攝亦所以成其宣耳是以 陰則氣不化金為火用則氣化氣化則極其宜發 氣之靈味辛入肺肺金固氣之主金火合德其氣溫 易知也惟陰為陽守陽無陰則火僭而氣亦不宣金 宣攝者其義亦甚精當蓋肺為陽中之少陰陽不得 其味辛後有甘也乃子繇不将取其宣發且有藉其 用之大概日下氣除寒中正以其色赤入心心火固 和是心肺合而營諸陽也若然則自能歸脾胃所 溫中達表詎不然歟此仲景於厚朴牛夏湯用之 毕

本經疏證卷九		5 5		